



Bajásčuožžileapmi buktá ilu

Min stuorámus risttalaš ávvudeami beassáziid leat ávvudan juo golbma jagi spiehkastadiliin. Kristusa bajásčuožžileami ilolaš ávvudeami lea seavnnjuhan máilmmi, Eurohpá ja Suoma dilli vuos pandemija siste ja dasto soađi suoivanis.

Átestusa áiggige risttalaš girku sáhka lea goittotge čielggas. Dat gullo: Illudehket! Evangeliuma addá midjiide oskku, ahte átestusas lea mihttu. Odđa eallin Jesusis Kristusis vuoitá loahpas átestusaid.

Dáid beassáziid evangeliumteaksta lohkkajuvvo Johannes evangeliumas. Nuppi beassášbeavvi čálábihtás mu fuomášupmi darvána Maria Magdalena njeallje sátnái: *“Mun lean oaidnán Hearrá!”* (Joh. 20:18) Maria Magdalena, okta Jesusa lagamuš čuovvuin, lea Johannes evangeliumas vuosttas bajásčuožžileami duođašteaddji.

“Mun lean oaidnán Hearrá!” Dát leat Ipmila gávnnadeamis duođašteaddji sánit. Dat muitalit Ipmila almmustuvvamis hearvásvuođastis. Evangeliumiin Jesus gávnnahallá erenoamáš vugiin Ipmila Bárdnin moadde dákkár seammasullasaš dáhpáhusas: juovlamuitalusain, Jesusa gástta áigge, Hearvásmahhttojumi várís Mosesiin ja Eliain sihke bajásčuožžileami iđida ja das čuovvu dáhpáhusain Kristusa albmái váldima rádjái.

Máנגgain osiin válddahallo dat, mo illu ja mokta čuvvot dáid vásáhusaid. Illu válddii lohkkaduvvon uvssaid duohkái čoahkkanan máhttájeaddjiid. Peter lei movttegin huksemin gođiid Hearvásmahhttojumi várís. Eangal almmuhii stuorra ilu báimmaniidda.

Duon illui háliidan bovdet du searvat. Ipmila dáhttu lea, ahte mii illudivččiimet. *Illudehket álelassii Hearrás!* ávžžuha Reive filippilaččaide (Fil. 4:4). Nu olu go eallimii čáhksetge váttisvuođat ja gillámuš, de lea mis lohpi maddái illudit ilu áiggiid. Kristus lea bajásčuožžilan, illudehket!

Beassáziid vuolde 2023

Jukka Kesitalo
Oulu bismágotti bismá